

影印
文淵閣

四庫全書

影印

文淵閣四庫全書

第六五〇冊

北京出版集團公司
北京出版社

本冊目次

明
集

禮(二)

明
徐一夔等撰……………一

欽定四庫全書

史部
明集禮卷二十九

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣李奎

謄錄監生_臣曹希焜

欽定四庫全書

明集禮卷二十九

嘉禮十三

鄉飲酒禮

總敘

鄉飲酒之禮夏殷之世無所考周制五禮之目是為嘉禮之一凡禮之所紀冠婚喪祭皆自士以上乃得行之而鄉飲酒之禮達于庶民因其聚會之際與之揖讓升降使知尚賢尊長而興敬讓之道焉考之經傳其說有三鄉大夫三年大比獻賢者能者于其君以賓禮禮之而與之飲酒一也黨正國索鬼神而祭祀則以禮屬民飲酒而正齒位二也州長春秋習射于序先行鄉飲酒禮三也夫用之州黨而亦謂之鄉者先儒以為州黨鄉之屬也或鄉大夫入而觀禮或鄉大夫居此黨內故亦以名之也其正齒位之說見于周官者一命齒于鄉里再命齒于父族三命而不齒見於禮記者六十者坐五

欽定四庫全書

明集禮
卷二十九

十者立待六十者三豆七十者四豆八十者五豆九十者六豆而儀禮鄉飲酒之篇不著其文故先儒以為今之存者乃鄉大夫之事而黨正之禮亡矣漢制郡國十月行鄉飲酒禮蓋用正齒位之說魏晉以下間或行之其詳不可得而聞李唐兼采二說賓興賢能則以刺史或上佐為主其制皆倣于古而小損之有主賓介而無僎其樂則歌笙間合各一作而不備正齒位則行于冬季主用縣令復降殺其禮無謀賓戒賓不設折俎易脯醢為菹醢其作樂如上趙宋淳化三年詔有司講其禮命學士蘇易簡倣古樂章作鹿鳴南陔嘉魚崇丘關雎鵲巢之詩凡三十四章後不果行政和中有司奏參酌古制於州軍貢士之月以禮飲酒用知州軍事或本州佐官為主提舉學事司所在則提舉為主上舍生當貢者與州之羣老為衆賓其登降之節與舉酒作樂器用之類並參照辟雍宴貢士之儀紹興十三年禮部奏脩定儀制頒下郡國於科舉之歲行于學校是日賓主先舍菜于

先聖先師然後行禮並不作樂蓋本用賓賢之說而已仕未仕者以齒序位于兩廊則亦兼取黨正之文至其登降之容獻酬之節較之於唐尤簡略焉十七年左迪功郎陳介言乞定郡國所行鄉飲歲數乃命諸州三歲科舉之年行之其願每歲一行者亦從其便二十六年又命願行于里社者聽官不得預其可考者如此國朝受命戡定海內即詔有司稽古考文定為一代之制於是取儀禮及唐宋所行參酌損益為鄉飲酒禮又采周官屬民讀法之旨於行禮之中一人升讀律令縣邑則歲一行之學校里社則季一行之里中蓋本于正齒位之說而賓興賢能春秋習射亦可通用焉

賓主介僎

儀禮主就先生而謀賓介注曰主謂諸侯之鄉大夫也先生鄉中之致仕者介處士之賢者諸公大夫入而觀禮者為僎

諸公者大國有孤四命謂之公

唐禮鄉飲酒之禮刺史為主先召鄉之致仕而有德者

謀之賢者為賓其次為介又其次為衆賓與之行禮而賓與之正齒位每年季冬行事縣令為主鄉之老人六十以上有德行者一人為賓次一人為介又其次為三賓又其次為衆賓

宋禮主州以郡守縣以縣令賓擇鄉里寄居年德高及致仕者為之僎州以通判縣以丞或簿為之介以次長為之三賓以賓之次者為之司正以衆所推服者為之相及贊以士之熟于禮者為之

欽定四庫全書

明集禮
卷二十九

今擬見儀注

戒賓介

儀禮主戒賓賓拜辱主答拜乃請賓賓禮辭許主再拜賓答拜主退賓拜辱戒介亦如之

唐禮同儀禮

宋禮省

今擬省

設席位次

儀禮乃席賓主介衆賓之席皆不屬焉注曰賓席牖前南面主席阼階上西面介席西階上東面席衆賓于賓

席之西不屬者不相續也皆獨坐明其德各特也又曰立

者東面北上若有北面者則東上主之贊者西面北上

唐禮其日質明設賓席於楹間近北南向設主席于阼

階上西向設介席于西階上東向設衆賓席三於賓席

之西各南向皆不屬又設堂下衆賓席于西階西南肆

北上設贊者位于東階東西向北上正齒位同

宋禮主位于東南賓位于西北僎位于東北介位于西

南三賓位于賓主介僎之後設郡寮之位東西相向其

欽定四庫全書

明集禮
卷二十九

餘仕與未仕者皆以齒序位于兩廊又設席于堂下凡

鄉之仕與未仕者以齒序位又設主賓介僎三賓之次

于庠序之鄉

今擬見後儀注

陳器

儀禮尊兩壺于房戶間斯禁有玄酒在西設篚于禁南

東肆加二勺于兩壺

禁承尊之器也名禁者因為酒戒也斯禁禁切地無足者玄酒新水

也篚承爵解之篚也設洗于阼階東南南北以堂深

謂如堂深二丈則洗去堂

下亦東西當東榮榮屋水在洗西南肆

唐禮設兩壺于賓席之東少北玄酒在西加勺畢置筐

于壺南東肆實以爵解正齒位同

宋禮先一日設尊罍爵洗各如奠謁先聖之儀

今擬見後儀注

舍菜

儀禮唐無之

宋禮其日質明主率賓介以下先舍菜于先聖先師

欽定四庫全書

明集禮
卷二十九

今擬賓興賢能飲酒則先一日行舍菜禮正齒位不用

立班

儀禮無文

唐禮賓介及衆賓至立于廳事大門之外東面北上執

事者皆就位

宋禮賓主以下各就次候鳴鼓相者引賓介以下序立

于庠門之外北面東上

今擬參酌別定立班之儀

迎賓

儀禮主一相迎于門外再拜賓賓答拜拜介介答拜揖衆

賓主人揖先入賓厭介入門左介厭衆賓皆入門左北

厭一涉切推于
曰揖引手曰厭

唐禮主迎賓于門外之左西面拜賓賓答拜又西南面

拜介介答拜又西南面揖衆賓衆賓報揖主又揖賓賓

報揖主乃先入門而右西面賓入門而左東面介及衆

賓序入立于賓西南衆賓非三賓者皆北面東上凡賓
主揖

欽定四庫全書

明集禮
卷二十九

升周旋皆
有贊相正齒位云衆賓立于三賓之後餘同

宋禮相者引主出俱從至于庠門外速賓及介主立于

門左西向賓介進立于門右東向贊者進立于中唱曰

主拜賓介以下皆答拜主揖賓介以下皆報揖主先入

門右俱從賓揖介亦入門左介揖衆賓皆入門左贊先

之相次之

今擬見儀注

序賓

儀禮主與賓三揖將曲揖當階揖當碑揖至于階三讓主升賓升

主升階上當楣北面再拜賓西階上當楣北面答拜

唐禮主將進揖當階揖賓皆報揖至階主曰請吾子升

賓曰某敢辭主曰固請吾子升賓曰某敢固辭主曰終

請吾子升賓曰某敢終辭主升自阼階賓升自西階當

楣北面立

宋禮主與賓三揖皆贊者唱之至堂下升階三讓主先

升阼階俱從立楣下賓趨升西階介從三賓亦升自西

欽定四庫全書

明集禮卷二十九

階並立楣下各南向司正亦升西階立于西階之上東

向教授升自東應立于東階西向即際今立西應衆賓東西相向立于堂下贊

者唱曰賓主以下皆再拜

今擬見儀注

獻賓

儀禮主坐取爵于篚降盥洗已盥洗爵升賓爵賓之席前

西面獻賓賓西階上拜主少退賓受爵以復位主升階

上拜送爵賓少退薦脯醢賓升席自西方乃設折俎主

於阼階上立賓坐左執爵祭脯醢奠爵于薦西與右手

取肺卻左手執本坐弗繚右絕末以祭尚左手齊之興

加于俎坐執手遂祭酒興席末坐啐酒降席坐奠爵拜

告旨執爵興主升階上答拜賓西階上北面坐卒爵興

唐禮無盥洗餘同

宋禮主詣盥洗所洗解至酒尊所酌酒實解授執事者

至賓席前西北向立執事者分立直解者立主人之左直脯醢者立主之右

次引賓自西階趨就席主跪左執解飲賓賓拜跪受爵

欽定四庫全書

明集禮卷二十九

飲醕主答拜執事者薦脯醢賓受訖主退就席立僕亦

就席立

今擬見後儀注

賓酢主

儀禮賓降洗實爵酢主皆如主獻賓之儀主卒爵坐奠

爵于序端序端東序之端也東西牆謂之序

唐禮同

宋禮無

今擬見儀注

主酬賓

儀禮主賓解阼階上北面坐祭遂飲卒解興降洗實解
賓之席前北面賓西階上拜主少退卒拜進坐奠解于
薦西賓坐取解北面坐奠解于薦東酬酒不舉主揖降賓降
立于階西主人將與介為禮賓讓不取居堂上

唐禮同

宋禮無

欽定四庫全書

明集禮
卷二十九

今擬省

主獻介

儀禮主以介揖讓升拜如賓禮主乃坐取爵于東序端
降洗實爵介之席前西南面獻介介西階上北面拜主
少退介進北面受爵復位主介右北面拜送爵介少退
主立于西階東薦脯醢介升席自北方設折俎祭如賓
禮不齊肺不啐酒不告旨自南方降席坐卒爵興
唐禮不降洗餘同正齒位無折俎餘同

宋禮無之

今擬見後儀注

獻三賓

儀禮主西南面三拜衆賓衆賓皆答一拜主揖升坐取
爵于西楹下降洗升實爵于西階上獻衆賓衆賓之長
升拜受者三人主拜送坐祭立飲以爵授主降復位每
一人獻則薦諸其席

唐禮同

欽定四庫全書

明集禮
卷二十九

宋禮無之

今擬見儀注

獻衆賓

儀禮衆賓獻則不拜受爵坐祭立飲衆賓徧有脯醢主
以爵降奠于篚

唐禮主實爵進于西階上南面獻堂下衆賓餘同

宋禮無之

今擬見儀注

升位

儀禮揖讓升賓賓厭介升介厭衆賓升衆賓序升即席

唐禮同

宋禮無

今擬自席末升位見儀注

俱入

儀禮賓若有僎者諸公大夫則既一人舉解乃入主降階

賓介及衆賓皆降主迎于門內揖讓升公升如賓禮大

欽定四庫全書

明集禮
卷二十九

三

夫則如介禮席于賓東主獻薦脯醢設折俎皆如賓禮

唐禮無之

宋禮有僎而與儀禮不同

今擬特存此條以待致仕而有德行者

樂賓

儀禮工歌鹿鳴四牡皇皇者華卒歌笙入堂下磬南北

面立樂南陔白華華黍乃間歌魚麗笙由庚歌南有嘉

魚笙崇丘歌南山有臺笙由儀乃合樂周南關雎葛覃

卷耳召南鵲巢采芣采蘋

唐禮工歌鹿鳴卒歌笙入立于堂下北面奏南陔訖乃

間歌南有嘉魚笙崇丘乃合樂周南關雎召南鵲巢樂

無工人則闕毋得奏不雅之曲

宋禮無之

今擬省

司正揚解

儀禮主降階作相為司正主升復席司正洗解升自西

欽定四庫全書

明集禮
卷二十九

三

階賓解降自西階階間北面坐奠解退共少立坐取解

不祭遂飲執解興盥洗北面坐奠解于其所退立于解

南

唐禮同

宋禮贊者唱曰賓主以下皆執笏次引司正出位贊者

曰請司正揚解次引司正取解詣洗所洗畢至席前跪

而揚解訖贊者曰請司正致詞司正乃言曰古者於旅

也語於是道古

云云

訖司正復位賓主以下復位

今擬見儀注

旅酬

儀禮賓坐取俎西之解

先一人舉解奠于俎西

阼階上北面酬主

主降席立于賓東賓坐奠解逆拜執解興主答拜不祭

立飲不洗賓解授主主西階上酬介如賓酬主之禮介

酬衆賓拜興飲皆如上儀卒受者以解降坐奠于篚

唐禮同

宋禮主獻賓之後即賓酬主主酬介介酬衆賓

欽定四庫全書

明集禮卷二十九

今擬特省此條以從簡便

讀律

儀禮唐宋皆無之

今擬新增

無筭爵

儀禮衆賓皆降說屢揖讓如初升坐乃羞

注曰胸

無筭

爵無筭樂

唐禮同正齒位無羞

宋禮賓主以下皆坐酒二行訖

今擬見儀注

賓出

儀禮賓出奏陔

注云陔陔夏也

主送于門外再拜

唐禮同

宋禮相者引主先興復至阼階楹下立

偶從

賓介復至

西階楹下立三賓亦復至西階並南向

教授復立東階西向司正復立

西階東向郡衆賓堂下東西相向主再拜賓介以下皆

欽定四庫全書

明集禮卷二十九

再拜訖賓介與衆賓先自西趨出主少立自東出賓立

庠門外之右東向北上主立于門外之左西向

偶從

皆

再拜逡巡而退

今擬見儀注

縣邑飲酒讀律儀注

立賓主介儀

每冬季行事縣令為主以鄉之老年人六十以上有德

行者一人為賓其次一人為介又其次為三賓又其次

為衆賓鄉人嘗為大夫士而致仕者或寄居之士大夫

年德可尊禮者一人為僎如無則以縣丞主以衆所推

服者一人為司正贊禮一人及贊引者皆擇士之容貌

詳緩習禮儀者之有贊引讀律一人使能者

陳席設位次席謂坐席位謂立位

設賓席于堂北兩楹之間少西南面冠禮懸于客位今世亦指此處為客

主席于阼階上西面在東楹之東少北介席于西階上東面

在西楹之西少北僎席于賓東南面謂兩楹之間少東世俗謂此處為主位三賓席

欽定四庫全書明集禮卷二十九

于賓西南面與賓共為一列皆專席不屬衆賓六十以上者席

于西序東面北上堂東西牆謂之序若賓多則又設席于西階

上北面東上僚佐席于東序西面北上僚佐謂縣丞以下若丞為無則

主簿典主簿典

設衆賓五十以下者位于堂下西階之西當序東面北

上若賓多則又設位于西階之南北面東上凡立位皆設席而不

生至無齊司正及讀律者位于堂下阼階之南北面西

上按儀禮司正位于兩階之間北面而脯醢為于其位今為脯醢皆設卓案與古異故改位于此

設主之贊者位于阼階之東西面北上禮主之贊者西西北上無算爵

然後與注曰贊者謂主之屬佐主嚴賓沃盥設薦俎者

設主及僚佐以下次于東廊賓介及衆賓次于庠門之

外僎次亦在門外

陳器

設酒尊于堂上東南隅加勺幕用葛巾爵洗于阼階下

東南簠一于洗西實以爵解盥洗在爵洗東設卓案于

堂上下席位前按儀禮備有脯醢皆為于其位則立者亦當有之但古者席地而坐故為于地

欽定四庫全書明集禮卷二十九

上今陳豆于其上六十者三豆七十者四豆八十者五

豆九十者六豆堂下者二豆主人豆如賓之數若九十難從

六豆則主人亦六豆其餘悉皆微此皆實以菹醢實與賢能則用脯醢設奠爵卓案

于東序端及西楹南各一

舍菜

若賓與賢能則前一日舍菜于先聖先師如常儀正齒

位則省

立班

其日贊明主及賓介以下各就次執事者省視器饌畢

詣主次前告具乃命鼓人鳴鼓贊引導主及僚佐以下

出次主及僚佐朝服餘深衣主立于阼階下西面僚佐序立于主

之後皆西面北上司正及讀律者北面西上贊禮進立

于東階之西近堂廉賓之贊引導賓以下盛服出次序

立于庠門外之右介居賓南三賓居介南衆賓居三賓

之後皆東面北上僕仍居次不出

迎賓

欽定四庫全書

明集禮
卷二十九

班定贊引唱主迎賓贊引進主之左曰請迎賓乃導主

出庠門外西面立僚佐贊引唱揖主揖賓以下皆揖贊

引唱肅賓主揖賓賓報揖贊引導主先入門左西面立

賓之贊引唱揖賓揖介介揖衆賓序行入門右皆東面

立如門外之序

序賓

主揖賓遂行當階再揖將及階又揖賓皆報揖皆贊引

唱之至階主阼階下西面即初位賓西階下東面介居

賓南三賓居介南衆賓居三賓南俱東面北上

獻賓

贊禮唱主以賓升贊引進主之左曰請延賓主與賓三

讓主先升阼階賓升西階俱當楣下北面立贊禮唱獻

賓贊引進于主之右曰請酌酒導主降自阼階詣盥洗

位次詣爵洗位洗爵拭爵以爵授執事者升詣尊所執

事者舉罍主執爵酌酒以爵授執事者並如釋奠儀至賓席

前執爵者以爵授主主西北面獻賓贊引導賓自西階

趨就席末東南面受爵主揖送爵賓報揖卒爵以爵授

執事者謂賓之執事者蓋將酢于主也主退立于阼階上北面賓退立

于西階上北面如初升

賓酢主

贊禮唱賓酢主贊引進賓之左曰請酌酒導賓降自西

階執爵者從詣盥洗位爵洗位升自西階詣尊所酌酒

並如前儀至主席前執爵者以爵授賓賓東南面酢主

贊引導主趨就席末西北面受爵賓揖送爵主報揖卒

爵賓退立于席末賓之席也辭事畢退立于席末主將與介為禮也主乃以爵

奠于東序端卓上復阼階上北面立主退復阼階而不就席末者將有事也

獻介

贊禮唱主延介贊引進曰請延介導主降自阼階西南

面揖介至階一讓主遂升介升西階並當楣下北面立

贊禮唱主獻介贊引進曰請酌酒導主詣東序端取所

奠爵授執事者詣尊所酌酒以爵授執事者如前至介

欽定四庫全書

明集禮卷二十九

席前執爵者以爵授主主西南面獻介贊引導介自西

階上趨就席末北面受爵主乃揖送爵介報揖卒爵以

爵授主退立于席末介之席也主以爵奠于西楹南退阼階

上北面如初爵與三賓為禮也

獻三賓

贊禮唱主獻三賓贊引導主降阼階西南面三揖衆賓

衆賓皆報一揖主升取西楹南所奠爵酌酒如前進西

階上南面獻衆賓之長贊引導衆賓之長一人升西階

上北面受爵主揖送爵賓長報揖卒爵以爵授主賓長

就席立于席末三賓之席也次導賓長之次者一人升受爵

如前又次一人亦如之主乃以爵授執事者少退西面

立

獻衆賓

贊禮唱獻衆賓執事者酌酒授主主復進西階上南面

獻衆賓衆賓六十以上者每一人升西階上受爵卒爵

退就西序之席立于席末升者畢主以爵授執事者下

欽定四庫全書

明集禮卷二十九

奠于筵堂下者不獻主退就席末坐

升位

贊禮唱衆賓皆升位主乃自席末先升席賓介以下皆

自席末升席堂下者皆就位引僚佐升自東廡就席堂

上者坐堂下者立

僎入

無僎則去此條升位後僎始入者儀禮注云不干主賓正禮也

贊禮唱僎入贊引導僎出次僎朝服致仕者服深衣亦從便入門左主

降自阼階迎于門內

賓介降自西階下三賓不降

主與僎揖讓升主

升阼階僎升西階當楹北面立

實介皆升立西階東西北上

贊禮唱

主獻僎贊引進曰請酌酒導主降洗爵詣尊所酌酒如

賓儀至僎席前東北面獻僎贊引導僎自西階上趨就

席末東西南面受爵主揖送爵僎報揖卒爵以爵授主

主以授執事者下奠于篚主及賓升各升席

揚觶

贊禮唱司正揚觶贊引導司正出位詣盥洗位盥手悅

手次詣爵洗位取觶于篚洗觶拭觶升自西階詣尊所

欽定四庫全書

明集禮
卷二十九

酌酒進兩楹之間北面立贊者唱在坐者皆起賓主以

下皆起拱立司正乃舉觶而言曰恭惟朝廷率由舊章

敦崇禮教舉行鄉飲非為飲食凡我長幼各相勸勗為

臣竭忠為子竭孝內穆於閨門外順于鄉黨無或廢墜

以忝所生言畢揖賓主以下皆揖司正遂飲卒爵復飲

以爵授執事者降自西階復位賓主以下復坐

讀律

若賓與賢
能不用此

贊禮唱讀律執事者設律案於堂上兩楹之間次引讀

律者出位詣盥洗所盥手悅手訖乃升自西階執律者

以律從至案前北面立執律者以律置案上立于案旁

西面在坐者皆起讀律者揖賓主以下皆揖復坐乃展

律詳緩讀之畢在坐者又起讀律者揖賓主以下皆揖

讀律者降自西階復位執律者以律從如初

無筭爵

贊禮唱爵行無筭於是堂下者皆坐執事者行酒酒三

行或五行食三品或五品徧及主之贊者皆與

欽定四庫全書

明集禮
卷二十九

賓出

贊禮唱禮畢主興降自阼階賓以下降自西階僚佐降

自東廡堂上衆賓以序俱出至門外主門左西面僚佐

以下列主之後賓門右東面介居賓南三賓居介南衆

賓居後贊引唱揖賓主以下皆揖退

里社飲酒讀律儀

立賓位

里長為主以鄉之老人六十以上有德習禮者一人為

賓次一人為介又次為衆賓讀律一人使能者

陳設

設賓席于堂之西北南面設主席于東南西面介席于堂之西南東面衆賓六十以上者席于兩序東西相向六十以下者席于堂下亦東西相向五十以下者席于堂下亦東西相向各設卓案于席前豆用菹醢設讀律于東楹下西面如教官講書之位

序賓

欽定四庫全書

卷二十九

三

其日質明賓介及衆賓皆至門外主出迎東向揖賓賓以下西向報揖主先入門而右賓入門而左介與衆賓從至

階主升西階上東面賓介于東階上西面衆賓六十以

上者皆自東階升分為兩班東西相向北上居西者立主之後居

東者立賓之後五十以下者立堂下亦分兩班東西相向北上

主與賓皆揖各就席坐執事者行酒酒一行止

讀律

執事者設卓案于東楹讀律席前次引讀律者正衣冠

升席展律于案詳緩讀之畢起立拱手坐者皆起立拱

手讀律者揚言曰恭惟國家憲章先王明刑弼教期協

于中爰用古禮為民讀律凡我長幼尚敬共夙夜毋干

彝憲以忝祖父言訖飲律降席復位位在堂下衆賓之列賓主復

坐酒三行止

賓出

主先興賓介以下皆興序立如初升堂下者亦如之賓

主皆揖主送于門外揖退

欽定四庫全書

卷二十九

三

